



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Originvm Monasticarvm Libri IV.**

**Le Mire, Aubert**

**Coloniae Agrippinae, 1620**

Cap. II. Canonicorum Regularium Ordinis S. Augustini variæ  
Congregationes.

**urn:nbn:de:hbz:466:1-11249**

4 ORIG. ORD. S. AVGUST.

mensis , qui S. Augustini magistri sui vitam scripsit , quiescit Mirandulæ in Italia , illius urbis patronus ac tutelaris : vbi sacrum eius corpus magnam habet venerationem. Ita tradit Philippus Ferrarius in Catalogo Sanctorum Italie.

Vitam S. Augustini annis superioribus accurate post alios scripsit amicus noster R. P. Cornelius Lancelottus , Prior Eremitarum Augustinianorum Antuerpiæ , & typis Plantinianis publicauit.

CAPVT II.

*Canonicorum Regularium ordinis  
S. Augustini variae Congregati-  
ones.*

**C**Anonicorum Regularium cœnobia alia suis Ordinarijs , seu Episcopis locorum, in quibus situm habent, reuerenter subsunt; alia à Dicœcesanorū visitatione exempta varias in Congregationes sunt distributa, & suis Præfectis peculiaribus parent.

Congregationes inter eminent Lateranensis seu Frisonaria in Italia, S. Rufi in Gallia, Aroasiensis in Belgio , VVindesimensis in Germania superiore & inferiore: de quibus & alijs fusè egi in libro nostro de Canonicis Regularibus Coloniæ anno 1614. edito.

Ad

Ad Cōgregationem Italicam quod attinet,  
legitur hodieq; in monasterio B. Mariæ Fri-  
sonariæ, haud procul ab vrbe Luca hēc inscri-  
ptio:

*Saluatori Christo, ac sanctæ spei matri Mariæ,  
Canonici Regulares ab Apostolis primum, Diuiquē  
Augustini norma, sub Apostolicis regulis instituti,  
iam pridem in hoc cœnobio arctius Deo dicati, hinc  
per Italianam sub titulo Lateranensi dilatati, hanc æ-  
dem vetustate labantem restituere anno gratiæ mil-  
lesimo quadringentesimo primo.*

Fuit autem huius reformatæ Congregatio-  
nis primus auctor *Bartholomæus Coluna*, nobi-  
lis Romanus, qui anno 1396. floruit, & in di-  
cto Frisonario Canonicam disciplinam pri-  
mùm restituit, quæ totam postea Italianam est  
peruagata titulo Congregationis Lateranen-  
sis, à Basilica Lateranensi sic dicta. Quo quidē  
in templo vixerunt Canonici Regulares usque  
ad tempora Sixti IV. Pape, qui ipfis inde amotis  
Basilicam S. Mariæ pacis adsignauit, quam  
hodieq; possident. In Lateranensi autem Ba-  
silica nunc resident Canonici sacerdotes, vt  
vocant.

Congregatio S. Rufi per B. Rufum Lugdu-  
nensem archiepiscopum circa annū 1107. est  
incohata: & meminit illius Ioa-  
chimus Abbas commentario in  
Apocalypsim.

Ioannes  
Philip-  
pus No-  
uariensis  
lib. 3.  
Chron.